

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 37. Statuta Grada Srebrenika („Službeni glasnik Grada Srebrenik“, broj: 1/24), a u vezi sa odredbama Sporazuma u projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“, zaključenog između Grada Srebrenika i NVO „Muslim Aid Association“, broj: 07-354/25 od 26.03.2025. godine, na prijedlog Službe za poduzetništvo, lokalni razvoj i investicije, Gradonačelnik Grada Srebrenika, donosi

## **P R A V I L N I K**

**o utvrđivanju uslova, kriterija i postupka za ostvarivanje prava na dodjelu plastenika, sistema za navodnjavanje, sjemenskog/sadnog materijala, kristalona i popratne opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2025. godini na području grada Srebrenika**

### **I OSNOVNE ODREDBE**

#### **Član 1.**

Pravilnikom o utvrđivanju uslova, kriterija i postupka za ostvarivanje prava na dodjelu plastenika i opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2025. godini na području grada Srebrenika (u daljem tekstu: Pravilnik), reguliše se dodjela 20 plastenika od po 100 m<sup>2</sup> sa sadnim/sjemenskim materijalom, sistemom za navodnjavanje, kristalonima i dodatnom opremom, osiguranih kroz projekat „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2025. godini na području grada Srebrenika (u daljem tekstu: Projekat), koji zajednički realizuju nevladina organizacija Muslim Aid Association i Grad Srebrenik, po principu sufinansiranja Projekta u omjeru, 40% donatorska sredstva osigurana od strane Muslim Aid Association, 50% sredstva osigurana u Budžetu Grada Srebrenika i 10% vlastito učešće odabranog korisnika.

#### **Član 2.**

Pravo na dodjelu plastenika u ovom Projektu imaju socijalno ili materijalno ugrožene osobe, i mlade osobe u dobi od 18 do 35 godina sa područja grada Srebrenika, pod uslovom, da posjeduju vlastito poljoprivredno zemljište ili je zemljište u vlasništvu članova uže porodice po pravoj liniji (majka, otac, djed i dr.), kao i zemljište koje im je ustupljeno na korištenje ili u zakup na period ne manji od 3 (tri) godine, a koje je u neposrednoj blizini (manje od 1 km putne komunikacije) stambenog objekta u kojem stanuju.

Pravo na dodjelu plastenika u ovom Projektu nemaju lica koja su dobila donaciju u mehanizaciji i opremi za poljoprivrednu proizvodnju, od Grada Srebrenika, nadležnih ministarstava, humanitarnih i drugih organizacija u posljednje tri godine, kao ni lica koja ne pripadaju kategorijama navedenim u stavu 1. ovog člana.

Pravo na dodjelu plastenika u ovom Projektu nemaju zaposlenici i članovi uže porodice zaposlenika Muslim Aid Association i Grada Srebrenika.

Pravo učešća nemaju lica koja su u proteklom vremenskom periodu nenamjenski koristila dobijena sredstva od strane Grada Srebrenika i Muslim Aid Association.

## **II USLOVI ZA DODJELU PLASTENIKA OD 100 m<sup>2</sup> SA SISTEMOM ZA NAVODNJAVANJE, SADNIM/SJEMENSKIM MATERIJALOM I DODATNOM OPREMOM,**

### **Član 3.**

Podnositelj prijave treba da ispunjava sljedeće opće i posebne uslove:

#### **1. OPĆI USLOVI:**

- da je nezaposlena osoba ili osoba sa minimalnim primanjima prema kriterijumima iz člana 4. ovog Pravilnika ili mlada osoba u dobi od 18 do 35 godina, sa prebivalištem na području grada Srebrenika,
- da je nosilac ili član poljoprivrednog gazdinstva upisanog Registar poljoprivrednih gazdinstava i Registar klijenata u Gradu Srebrenika (RPG i RK). Prijavljeni kandidati ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od 30 (trideset) dana od dobijanja pisane obavijesti o dodjeli plastenika.
- da je podnositelj prijave ili član njegove uže porodice vlasnik ili posjednik poljoprivrednog zemljišta pogodnog za plasteničku proizvodnju ili da je poljoprivredno zemljište uzeto na korištenje ili u zakup na period ne manji od 3 (tri) godine i da se zemljište nalazi u neposrednoj blizini stambenog objekta u kojem stanuje,
- da postoji mogućnost adekvatnog navodnjavanja plastenika,
- da u trenutku prijave za učešće u ovom projektu nema više od 100 m<sup>2</sup> plastenika u svom posjedu ili posjedu člana uže porodice (plastenik sa metalnom konstrukcijom i bočnim ventiliranjem),
- da će sufinansirati 10% od nabavne cijene plastenika sa dodatnom opremom, (370,00 KM),
- da obavezno prisustvuje edukaciji iz oblasti plasteničke proizvodnje koju organizuju Muslim Aid Association i Grad Srebrenika,
- da u posljednje tri godine nije ostvarivao-la pravo na donaciju u mehanizaciji i opremi za poljoprivrednu proizvodnju, od Grada Srebrenika, nadležnih ministarstava, humanitarnih i drugih organizacija,
- da će dodijeljeni plastenik zadržati u vlasništvu najmanje 3 godine od potpisivanja Ugovora.

#### **2. POSEBNI USLOVI**

- broj članova domaćinstva,
- broj nezaposlenih punoljetnih članova zajedničkog domaćinstva uključujući i podnositelja prijave,
- broj održavanih članova zajedničkog domaćinstva (djeca, nezaposleni članovi koji nisu na evidenciji osoba Biroa za zapošljavanje Srebrenik),
- samohrani roditelji,
- mlade osobe starosti do 35 godina,
- mlade osobe koje imaju otvoren poljoprivredni obrt kao osnovnu djelatnost
- uslovi za plasteničku proizvodnju (položaj plastenika, mogućnost navodnjavanja, vjetrovitost,
- blizina stambenog objekta i sl.),
- socijalni aspekt (stanje na terenu, imovno stanje, opći dojam i sl.)

### III KRITERIJI ZA BODOVANJE PODNOSITELJA PRIJAVE

#### Član 4.

a) Pogodnost poljoprivrednog zemljišta za plasteničku proizvodnju i mogućnost navodnjavanja (utvrđuje komisija za dodjelu plastenika na licu mjesta):

- slabi uslovi (veliki nagib – preko 10°, udaljenost od kuće više od 500 m ali ne više od 1000 m, parcela vrlo malo osunčana) ..... **1 bod,**
- dobri uslovi (nagib od 5° do 10°, udaljenost od kuće do 500 m, parcela relativno dobro osunčana) ..... **2 boda,**
- jako dobri uslovi (blag nagib – do 5°, udaljenost od kuće do 200 m, dobar pristup, parcela osunčana) ..... **3 boda.**

Kandidati kod kojih se na terenu utvrdi da parcele ne ispunjavaju gore navedene karakteristike ili ne postoji mogućnost navodnjavanja plastenika, podložne su jakim udarima vjetra, veliki nagib, nadmorska visina, erozija tla i sl. neće se bodovati, odnosno njihove prijave se neće uzeti u razmatranje.

b) Pripadnost nekoj od sljedećih kategorija:

- podnositelj prijave je nezaposlena osoba ..... **4 boda**
- za svakog punoljetnog nezaposlenog člana uže porodice, koji se nalazi na evidenciji nezaposlenih osoba Biroa za zapošljavanje Srebrenik ..... **1 bod,**
- za svakog izdržavanog člana porodice ( nezaposlene osobe koji se ne nalaze na evidenciji nezaposlenih osoba na Birou za zapošljavanje Srebrenik ( domaćice, djeca, učenici i sl)... **1 bod,**
- Podnosilac prijave mlada osoba životne dobi od 18 do 35 godina koja ima otvoren poljoprivredni obrt kao osnovn djelatnost.....**4 boda**
- podnosilac prijave mlada osoba životne dobi od 18 do 35 godina ..... **4 boda,**
- ako je podnosilac zahtjeva samohrani roditelj ..... **3 boda,**

c) Prihodi domaćinstva:

- ako su primanja po članu domaćinstva do 50,00 KM ..... **7 bodova,**
- ako su primanja po članu domaćinstva od 50,01 KM do 100,00 KM..... **6 bodova**
- ako su primanja po članu domaćinstva od 100,01 KM do 150,00 KM..... **5 bodova,**
- ako su primanja po članu domaćinstva od 150,01 KM do 200,00 KM ..... **4 boda,**
- ako su primanja po članu domaćinstva od 200,01 KM do 250,00 KM ..... **3 boda,**
- ako su primanja po članu domaćinstva od 250,01 KM do 300,00 KM ..... **2 boda,**
- ako su primanja po članu domaćinstva od 300,01 KM do 350,00 KM ..... **1 bod,**
- ako su primanja po članu domaćinstva preko 350,01 KM ..... **0 bodova.**

d) Socijalni aspekt (stanje na terenu, imovno stanje, opći dojam i sl.) ..... **od 0 - 3 boda,**  
(utvrđuje komisija za dodjelu plastenika izlaskom na teren)

Kada kandidati pri bodovanju imaju isti broj bodova, prednost će imati kandidati koji imaju status mlade osobe, nakon toga, kandidati sa većim brojem članova uže porodice, a zatim kandidati sa većim brojem nezaposlenih članova uže porodice.

## **IV OBJAVA JAVNOG POZIVA I IZBOR KANDIDATA**

### **Član 5.**

Grad Srebrenik objavljuje javni poziv za dodjelu plastenika iz ovog Projekta na web stranici Grada Srebrenika i na oglasnoj ploči Grada Srebrenika.

Javni poziv sadrži uslove i kriterije koje kandidat mora ispunjavati, potrebnu dokumentaciju i krajnji rok za prijavu.

Nepotpune i neblagovremene prijave neće se uzeti u razmatranje.

### **Član 6.**

Izbor kandidata za dodjelu plastenika vrši komisija za odabir kandidata na osnovu uslova i kriterija iz ovog Pravilnika.

Komisiju iz prethodnog stava imenuje gradonačelnik, a sastoji se od tri člana, od kojih su dva predstavnici Grada Srebrenika, a jedan predstavnik Muslim Aid Association.

Zadatak Komisije je da u roku od dvadeset dana od završetka javnog poziva izvrši pregled prispjelih prijava, evidentiranje kandidata koji ispunjavaju uslove iz javnog poziva, obavi uvidaj na licu mjesta, izradi zapisnik o radu i sačini rang listu kandidata na osnovu utvrđenih kriterija za bodovanje.

Saglasnost na predloženu rang listu kandidata daje gradonačelnik Grada Srebrenika.

Rang lista odabranih kandidata se objavljuje na oglasnoj ploči Grada Srebrenika i službenoj web stranici Grada Srebrenika.

Na objavlvenu listu kandidat može podnijeti prigovor drugostepenoj komisiji ( koju imenuje gradonačelnik) u roku od 5 (pet dana) od dana njene objave na web stranici i oglasnoj ploči Grada Srebrenika. Drugostepena komisija se sastoji od tri člana od kojih su dva predstavnici Grada Srebrenika, a jedan predstavnik Muslim Aid Association.

Nakon isteka roka za prigovor i nakon rješavanja po uloznim prigovorima komisija za odabir kandidata donosi konačnu rang listu na koju Gradonačelnik daje saglasnost, te se ista objavljuje na oglasnoj ploči i dostavlja Muslim Aid Association na dalju proceduru.

## **V POTREBNA DOKUMENTACIJA**

### **Član 7.**

Uz prijavu na javni poziv za dodjelu plastenika iz ovog Projekta obavezno se prilaže sljedeća dokumentacija:

1. Prijavni obrazac, (preuzima se na info pultu, u Pisarnici Grada Srebrenika),
2. Anketni upitnik sastavljen od strane Muslim Aid Association,
3. Potvrda o prebivalištu (CIPS prijava) ili ovjerena kopija lične karte,
4. Ovjerena kućna lista,
5. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje Srebrenik. Za nezaposlene osobe koje nisu prijavljene na Biro za zapošljavanje Srebrenik, prilaže se potvrda da se osobe ne vode u evidenciji osiguranih osoba, izdata od Porezne uprave Srebrenik,
6. Kopija potvrde o upisu u Registar poljoprivrednih gazdinstava i Registar klijenata (RPG i RK) izdata od nadležne gradske službe za poslove poljoprivrede. Prijavljeni kandidati ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od 30 dana od dobijanja pisane obavijesti o dodjeli plastenika.
7. Potvrde škole/fakulteta za djecu/izdržavane članove domaćinstva, a za djecu predškolskog uzrasta priložiti rodni list,
8. Kopija Rješenja o registraciji poljoprivrednog obrta
9. Potvrda da je poljoprivredni obrt aktivan
10. Uvjerjenje o visini prihoda ili platna lista za svakog zaposlenog člana domaćinstva sa kućne liste, za

penzionere posljednji ček od penzije, a za korisnike stalne socijalne pomoći, prilaže se rješenje Centra za socijalni rad Srebrenik o visini socijalne pomoći,

11. Vlasništvo ili posjed nad parcelom koja se namjerava koristiti za instaliranje plastenika (kopija ZK izvadka ili Posjedovnog lista, ili ugovor o zakupu/korištenju parcele),
12. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
13. Ovjerena izjava da u trenutku prijave za učešće u javnom pozivu za dodjelu plastenika iz ovog Projekta, nema više od 100 m<sup>2</sup> plastenika u svom posjedu ili posjedu užeg člana domaćinstva,
14. Ovjerena izjava da će korisnik dodijeljenog plastenika isti zadržati u vlasništvu najmanje 3 godine od dana potpisivanja ugovora,
15. Ovjerena izjava da prijavljeni kandidat u posljednje 3 godine nije ostvario pravo na donaciju, dodjelu ili sufinansiranje nabavke plastenika, od Grada Srebrenik, nadležnih ministarstava, humanitarnih i drugih organizacija,
16. Ovjerena izjava da prijavljeni kandidat nije član uže porodice Muslim Aid Association i Grada Srebrenik.
17. Ovjerena izjava da će sufinansirati 10% od nabavne cijene plastenika sa dodatnom opremom, (370,00 KM),
18. Ovjerena izjava da će obavezno prisustvovati edukaciji iz oblasti plateničke proizvodnje.

Izjave pod rednim brojevima 13, 14, 15, 16, 17 i 18 podnose se na propisanom obrascu izjave, koju će propisati Služba za poduzetništvo, lokalni razvoj i investicije i koja će se moći preuzeti na info pultu Grada Srebrenika..

#### Član 8.

Između NVO Muslim Aid Association, Grada Srebrenika i odabranih korisnika zaključit će se tripartitni ugovori kojim će biti regulisana međusobna prava i obaveze učesnika u ovom Projektu. Ugovore iz prethodnog stava, u ime Grada Srebrenika potpisat će gradonačelnik.

#### Član 9.

Pravilnik stupa na snagu narednog dana od dana objavljivanja u Službenom glasniku Grada Srebrenika, a objavit će se na oglasnoj ploči i web stranici grada Srebrenika.

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**GRAD SREBRENİK**  
**GRADONAČELNIK**

Broj: 07-760/25  
Srebrenik, godine  
07.07.2025.

